

Broj: 03-02-388/2020  
Sarajevo, 30.04.2020. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Prilježeno: 04-05-2020			
Org. jed.	Broj	Priloga	Vrijednost
02-	02-	630	/20

**PARLAMENT FEDERACIJE**  
**BOSNE I HERCEGOVINE**

- Dom naroda-  
gosp. Tomislav Martinović, predsjedavajući

**PREDMET: Mišljenje Vlade Federacije Bosne i Hercegovine**

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 157. i 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjenama i dopunama Zakona o profesionalnoj rehabilitaciji, osposobljavanju i zapošljavanju lica sa invaliditetom - skraćeni postupak, kojeg je podnio Ramo Isak, delegat u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 221. sjednici, održanoj 30.04.2020. godine.**

S poštovanjem,



**PREMIJER**  
Fadil Novalić

Prilog: kao u tekstu

**Cc: Federalno ministarstvo rada i socijalne politike**  
**gosp. Vesko Drljača, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH”, br. 6/10, 37/10 i 62/10), a u vezi sa odredbama čl. 157. i 164. Poslovnika o radu Doma naroda Parlamenta Federacije BiH („Službene novine Federacije BiH”, br. 27/03, 21/09 i 24/20), nakon razmatranja Prijedloga zakona o izmjenama i dopunama Zakona o profesionalnoj rehabilitaciji, osposobljavanju i zapošljavanju lica sa invaliditetom – skraćeni postupak, kojeg je podnio Ramo Isak, delegat u Domu naroda Parlamenta Federacije BiH, Vlada Federacije Bosne i Hercegovine je, na 221. sjednici održanoj 30.04.2020. godine, utvrdila sljedeće

### **MIŠLJENJE**

Vlada Federacije Bosne i Hercegovine ne prihvata Prijedlog zakona o izmjenama i dopunama Zakona o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH”, broj 9/10), kojeg je podnio Ramo Isak, delegat u Domu naroda Parlamenta Federacije BiH, iz sljedećih razloga:

Predložene izmjene u obzir uzimaju isključivo interese poslodavaca kao jedne od zainteresiranih strana, međutim stav je Vlade Federacije Bosne i Hercegovine da bi to dovelo do destabilizacije finansijske konstrukcije koja omogućava Fondu za profesionalnu rehabilitaciju i zapošljavanje lica sa invaliditetom ispunjavanje zakonskih obaveza.

Federalno ministarstvo rada i socijalne politke radi na cjelokupnoj pripremi izmjena i dopuna Zakona o profesionalnoj rehabilitaciji, osposobljavanju i zapošljavanju lica sa invaliditetom, te su kod istog zaprimljeni zahtjevi tj. inicijative za izmjenu zakona od strane raznih zainteresiranih grupa kao što su: udruženja lica sa invaliditetom, poslodavci, preduzeća za zapošljavanje lica sa invaliditetom, Fonda za profesionalnu rehabilitaciju i zapošljavanje lica sa invaliditetom, boračka udruženja itd. tako da će svi prijedlozi biti uzeti u obzir prilikom donošenja cjelovitih izmjena i dopuna Zakona. U izradi izmjena i dopuna Zakona uvažiti će se prije svega potrebe lica sa invaliditetom kao i poslodavaca, te predvidjeti mehanizam nadzora na uplati posebnog doprinosa koji je utvrđen članom 18. Zakona o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH”, broj 9/10).

Imajući u vidu navedeno, Prijedlog zakona o izmjenama i dopunama Zakona o profesionalnoj rehabilitaciji, osposobljavanju i zapošljavanju lica sa invaliditetom („Službene novine Federacije BiH”, broj 9/10), kojeg je podnio Ramo Isak, delegat u Domu naroda Parlamenta Federacije Bosne i Hercegovine, ocijenjen je neprihvatljivim.

V. broj: 596 /2020  
30.04.2020. godine  
Sarajevo



**PREMIJER**

**Fadil Novalić**